

大清光緒十三年

本館新聞除禮拜外日出一張
本館外埠均可函致本館取
閱如外埠閱報加寄費可
也除日報外常刊送外復不
惜工本從英國採辦釘書機
刊印書籍單件並有英國各
國活字及各式花邊等延有
西人操印工藝甚精所有中
西文字均能刊印並有石版
印字大小機器均用精工刊

第一千八百零四號

申報

本館開在盤龍口馬路門牌五號

印工總辦徐君有文士書
寫各體文字現由上海購到
各種新式活字其書目另行
刊佈所有各項價目甚相宜再
本館所登來札原擇其有益
世道人心者附登否亦須無
礙於人而後始錄其有謬誤
或支離以及支離費解者概不
登錄須知來札向新
登但來稿登與不登均不能
將原稿收回也 本館謹白

丁亥十月初七日

凡閱報者每月銀一元每日售錢五文(大英一千八百八十七年十一月十一號禮拜一)凡刊印告白第一日每一字一仙第二日以下每字半仙

精微華英月份牌出售 ○敬啟者戊子歲之月份牌現經印就即在本館發售不惟書畫之工紙墨之美而且較對無誤印刷玲瓏蓋是歲本館再為加工精心構撰故款式甚多無論白紙蠟紙色紙與夫描金繪色無不備有以憑 諸君選擇且價甚相宜 諸君光顧者請早 惠臨選購為盼 本館謹啟

新印電報冊出售 ○敬啟者本館新有印出電報冊橫用上等西紙以英字排列而冊內各篇其字形號數均有不同最便商賈之用若自行定印則工價甚昂茲本館因自用之故增印若干本以售於人是以取價甚廉 諸君有欲購者請即 移玉惠臨因所存無多遲則恐有不及也 本館告白

書本坡新設治盜條例事後

昨日本館所論捕務亟宜整頓一則乃因近日盜風漸熾視前有加故為之慨然作此陳陳相因之說此不過有所希冀或捕務嚴密則不逞之輩各有畏心庶幾鳴狗盜之風可以杜絕而按槍之事更屬無所憂矣至於如有弭盜之法則尚未舉一知半解藉辭卸責以補治法之所未及今早兀坐默想忽憶前數日曾有治盜新例一則乃急將本館之報紙翻閱為之尋繹再三始恍然西憲蓋盜之至可謂然費苦心此例一行則盜風不禁自絕開功也而同於王道西憲之智術固非尋常所能思議者乎其所云禁滿釋放之日映相存據以便稽查此例香港經已行之原非創舉惟於罪滿之日向要自行担保監禁之久暫其担保之入暫如之自茲以往或寓於何處或備於何家俱要將居住址報明以備查察如有違徒亦須預為報明倘匿而不報則罪罪不貸復要每閱七日即詣府署報明使知近日並未犯法勉為良民如仍作奸犯科復蹈前轍則兩罪俱發加倍重懲雖其如何處置未有明文諒不可異其法外行仁與以寬責者矣若是則有所約束雖平日素行教誨之積盜亦因有所顧慮而不放復如昔日之胡為而或者謂盜之心固固張而賊智亦屬不淺倘彼原居於某處而偽稱別處以為掩飾之階則西憲雖察其高懸恐亦為其蒙蔽竊恐殊不知西憲之立法似想而實嚴嚴似疎而實密既設有此例必命差役按盜所稱居住址照其門牌號次先為之查明以杜虛東擊西無從捉摸且閱閱七日雖候無多即要詣府署報明斷難苟免則雖有深謀遠慮計仍不能倖逃法網善也然使治盜於此則為盜之輩猶無大防倘能痛改前非遵守法則滿期之日可以免此煩惱復為良民而無如西憲法無不週更不止於此也蓋自報明住址之後則凡有盜案即應任各差入其所住之室所備之店悉數搜查無論何處無論何時即使廣廈深居深夜日鬼俱不能阻止任其通身摸索遍屋搜莊且一間數門查看之聲即要應聲而出不得遲滯如事屬局有則徒受一番囑囑之需如莊物顯然則本人固罪不可逃而同居同伴之人俱全知而不報之罪殊連累受累匪輕斯例若行則各盜釋放之時必無棲身之所蓋彼所居之處即為巡捕所能查搜之處其確有莊物固屬深干不便及漁魚即使莊物並無而當其登門查閱之時倘值傾箱諸多煩囑況其有莊物與否在同居者為得而知則中心皇皇已吃盡驚不少然則凡有會犯盜案者相留據者尚有使之為傭與之同住者哉匪特此也即作三兩夜之寓公猶恐不能寬居停主人矣可知釋放之日即漫無所歸之時即奔投於戚友之家縱不以閉門羹待之亦必盡列堂前下令逐客將側身無所容不他徙別準其可得乎境中少一積盜則居民少一經書之人此以驅盜為弭盜之方直欲使積盜盡逐之於境外而已其不明智逐者一則速解出境不勝其煩何如使之自去一則驅逐之方直欲使積盜盡逐之於境外而已其不明智逐者一則速解出境不勝其煩何如使之自去一則驅逐之中要有至理非全用翻術而於子思元元之義相違者今觀此舉使各盜無容足之區不遇而嚴不禁而絕除盜之思妙不可言雖然本館不禁慨然以悲而為作盜者下無端之誦也夫人生大不幸即屬則父母於妻子而遠客他邦即使到處為家已有斷續難連之苦而況客中見逐無處棲身七尺昂然何不自愛如是書曰投諸有北有北不受我亦丈夫也而何以至於如此哉蓋痛改前非改過為善安見作盜必有機乎哉

諭旨恭錄 ○九月十三日奉 上諭沈榮成奏調員差等語內閣中書著方維江候補知府方維祺候補知縣丁紹芬試用府經歷馬瑞熙候補州判趙榮彬均著前往赴廣西交沈榮成差委用該

籌備等情。州決口後水勢直趨下游該處河工關係甚重性命若不亟籌堵合為害伊於胡底咸乎倪文蔚當乘此清清水落之時趕辦集料將堤基築堅穩固備前占務則及早合龍不得遲延遲誤所需款項著先由部庫提撥銀二百萬兩赴日解往未到以前准其由司庫撥款應用仍着戶部隨時籌撥的款源源接濟以期無誤要需請廷不情稍金為民裨惠該督等務當嚴辦工員實心實力妥速辦理員弁中有始終勤奮異常出力者准其從優保獎破格施恩倘敢草率偷減藉端牟利即着分別嚴行參奏按照軍法從事勿稍寬貸成乎疏防前廣告甚重倘不知愧者原籍無功定即重治其罪決不姑容倪文蔚身任地方亦屬責無旁貸前因甫經到任從寬免其議處該督當激發天良同心協力速能要工慎勿誤卸干咎慎之該部知道欽此

汕頭火災 ○刻接汕頭退來信息云去月十八夜永和街口某紙店失慎一時火燄騰霄不可撲滅未幾即延燒新廣直至永和街昇平街米行街永泰街各處均兆焚如直燒至榮福源棧而後止計焚去海傍一帶店戶六百餘間是誠罕見之巨災然則汕頭生涯將有不繼問之慮矣

英艦抵叻定期 ○刻接前途退來信息言英國郵船名買沙賽已於初二日由高浪露地方展輪來叻定於初九日拜禮三即能抵叻上落客貨畢旋即展輪往香港上海等處矣茲特錄報以聞

委查海界 ○中英所議緬甸邊疆一事業經前月刻間英廷已委定高久雲為勘界人員該員即前著往探中國滇南情形之人也刻間該員奉命已定於本月內由英政府行至孟買地方而後轉至緬甸查勘云

仿照議論 ○津門西報有云現在中國所辦中外交涉之處向設大臣十二員公同辦理凡事須無謀命同而後舉辦但議事之日到署者多不過三人議定之後乃抄錄其稿送與該署各大臣看視或則因事不暇不能即閱者有之或則謂其未妥須俟下次再議者亦有之以故諸事延擱良多所有與外國交涉之端動輒遲延莫能即決也該報所言如是因譯而錄以為當商榷公告

黃金鑑鑑 ○本年恭逢英皇登極五十年盛典無論本外國禮禮贈送多莫勝言現聞柔佛蘇丹以恭值英皇御極辰辰須製物以表歡忱因託英京某名工師為鑄造埃路末之通記用示不忘計像高廿四英寸作純金色而像之花草則塗以五色藥彩紛披工細絕倫將貢諸英廷藉申誠敬然則英王恩榮之志亦不可謂不誠矣

海天游目 ○現本坡豐興號實得力輪船公司之廣大甲輪船用以常川往來叻甲吉隆等處其啟行時刻與他船不同每逢禮拜一禮拜四早七點鐘則由叻往甲即日下午五點鐘前即行抵甲旋於是夜八點鐘言往吉隆至翌日早遂可抵叻即於是日上午由盛駁回甲中下午即行抵甲遂停一夜至翌早即復由甲回叻往返之期僅在三日業經刊有告白在本報後幅中似此往來最為便捷不惟寄貨附船無須久候且該船往返多在日間前者叻甲往來諸船多由下午啟行翌早始能抵埠諸客均須在船中睡臥風濤堆裏每不成眠且深夜之中又不能觀玩海天之色今該船係由日間來往諸客可以沿途暢觀叻甲地方山水甚足擴其眼界可藉游目騁懷且在日間則水途或有不虞亦可易於設法將見該船行而附搭者必甚形踴躍也

泉堂紀案 ○昨錄初二日泉堂所訊之案計共四則尚有二案係於初一日業經訊定至是日始為科斷者其一被告客務係穆拉油人向在府署當差充當管理馬車牌稅之事因受賄二次每次銀半元事為有司所聞因將該差捕獲先經巡理府提訊以巡差索賄其罪匪輕因判詳解泉堂以憑審決案經泉堂訊定是日判將犯監禁三年以示重儆其二被告為西人美刺前在府署充當總差并辦傳供之役以自刑遇赦事就獲經巡理府訊定詳解到轅據被告所供則自稱知罪且言不過醉後誤犯因前者患病頭腦受傷自是少飲輒醉醉後則亂性妄為也意圖諱避訊既知罪尚不失忠厚之風本司體念此更應代汝籌一善法使汝能遠離台酒免致再誤事端因判監禁三閱月無須充當苦工以示體卹


總差更調 ○本坡府署總差兼君昨經總巡捕官札飭與竹脚差館總差巴君申君互為對調查其所以互調之故聞係因月朔夜祿君薄飲少醉出外閒行時適聞巡捕官密君深夜覓君公幹而君適他出不能晤面以故密君遂與總巡捕官商君言之以其擴公本應有罪嗣念該總差在叻當差向無貽誤姑置薄懲以觀後效因以煩調簡命至竹脚與巴君對調云

失竊報案 ○粵人陳某以水客為生携有臘味及絲綢衣服等物搭某輪船於初二日言抵叻中欲在本坡暫居而後轉往吉福沽賣當時舟泊丹戎巴葛丁等埠等照例止客搜私時陳行李忽忽向有物在船未經取起因囑同船之某甲代為守其行李已復回船取物詎至則人物俱無不知何處矣時傍觀者皆為之念乃引其報於案中請為緝捕計所失有二百三十元之譜云

槍匪受審 ○初二夜十一點餘鐘戲園將散之時有某粵婦携一傭婦在陽春園觀劇而歸方出園門即有匪徒一人僅約十五六齡以煤塗面竟前欲圖搶掠詎為傭婦所見即以雙掌推之遂墮於該處大溝之中竟至受傷多處莫能自起一時人聲嘩噪巡差趕至乃執之初欲解送公庭嗣以并無原告礙難定罪因不為執解云

機

爐




啟者本公司製造廠開設在新嘉坡直落亞逸尾地方交易多年專造一切靈巧機器火礮火礮做大礮粒之器具及大小輪船汽機鍋爐並各種新式鋼鐵器皿一應俱全無不堅固耐久靈便合用廣大甲地方本公司開股有分廠並

代中西士商修整各種損壞機器工價格外公道如有貴客賜顧者請至本廠面議特此佈聞 西一千八百八十一年十二月廿六號 賴來安公司啟

美國峇打妙厘號新欸時鏢出售

啟者茲本行由歐洲辦到峇打妙厘號之新式奇巧時表來叻發售其鏢之巧妙實不可階約而計之其妙有五蓋其針行甚準無論位之動靜時之寒暑均無不驗所行晷度果無差且閱一月之久而亦不舛分秒之時一利也且其鏢之行不惟甚準而堪令人憑信不致觸目生猜二利也又其鏢機輪甚佳且其堅固最堪耐久即使年湮代遠亦無廢壞之虞三利也至其鏢製其精不惟適用而且美觀令人見之愛不釋手四利也矧其價復甚廉較之他表殊為省費五利也由此五利則誠非尋常可及且買此表者可保其用一年無須修理且一年之後即須修理亦無庸煩其時價若他表須二元始能修理者而此表則不過僅六角之費即能修復甚且無須六角蓋其機器係為新創其製造之法甚且請易於拆脩故也此表在美國係用機器製造計每日可成表二千枚故其料美價廉誠非他家可及而峇打妙厘復製有表鍊甚多各欸俱備且其欸最新其工最巧較諸近來行用者又勝一籌矧其價復甚廉每鍊價僅由六角至二元至其表鍊黃者如金白者如銀令人觀之無從辨其真贗倘諸君有欲購買者請至本坡各洋雜貨店中相閱如該貨未備則請至本行面商本行坐落土庫後街廣豐銀行之鄰 諸君焉臨疑 玉趾至於本坡則惟本行代理並無別家並此佈聞 諸惟惠鑒 大英一千八百八十七年六月十五號 大清光緒十三年閏四月二十四日 莫實得洋行謹啟



蜜酒出

啟者茲本行由歐洲辦到上等密酒來叻發售其酒甚佳茲特標頭印出 諸君光顧祈為細認免致有誤倘有無恥之徒假冒本行鎖匙標者本行定必嚴為控究再此酒不能販往 加勝吧 三寶瓏 泗里末 望加錫 檳榔嶼 日裡等處其餘各埠均能運往並此佈聞 大英一千八百八十六年十一月十日 莫實得洋行謹啟



中外眾國有限保險公司

啟者本公司總局設在香港多年備有資本銀二百萬元已先收股份人來銀六十萬元及餘存銀六十萬元在叻係本行代理承保各商貨物銀項運往輪船來往各埔其保價相用照例所有花紅之銀俟結賬之後按數分派前一千八百七十八年一千八百八十年每股得利息銀廿五八仙又一千八百八十年至一千八百八十二年每股得利息銀廿一八仙諸貴商賜顧者請至本行開相商可也 大清光緒九年 月 日 英一千八百八十三年八月廿七號 毛實德公司謹啟

新到各書

啟者現本館新由上海寄到活字排板石印各書甚多約計百餘種茲以廉價發售諸尊欲採辦者請到本館選購是荷至其書目太繁不克殫述凡欲採辦者請至本館面議可也 莫實得洋行謹啟

光緒十三年九月二十六日

諸尊光顧請移 玉至本號選購是荷
水仙門廣興隆日本洋貨店謹啟

新亞士堅公司告白



啟者本公司向來開辦本坡久為中西 商賈所賞識茲承英京末改公司之命託本公司為該公司駐叻代
售機器之人本公司既受所託不得不代為力肩鉅任將該公司辦事之誠製造之美以及貨物之多盡舉以
告海內 諸商翁知悉該公司向來開辦英京歷久無異素為英國人所賞識不特為英國人所賞識又為
諸國人所賞識不特為諸國人所賞識且為天下各國人所賞識蓋因該公司立心持平交遊盡善物料既美
製作復精所以遠近譽於本國鄰國及天下各國者皆為此也現計該公司所製造之機器甚多筆墨難以
盡述更僕不可備舉現將本公司目下所備諸件開列於後如欲知其詳者請向本公司或向各埠之
意耳至該公司現經運到本公司存貯代售其中件數堆積如山即不可枚舉茲因篇幅太狹不能盡錄以備
諸商翁覽擇其要而通行者略登報端以為 諸君採擇焉如水厚木筒度帶等其價較別家稍為相宜
貨而亦視別家為特妙請 諸君移玉到本公司一觀實有所聞未盡所見之微不啻遊山陰中道令人接應
不暇矣至於本公司又有製造大船之機器以及水厚等件機器亦是名目太多不能備列謹此奉告向新
實然賜顧為慰現本廠已遷至工部局貨倉左鄰近街分枝一廠在吉隆坡仙四師爺官後大馬路至下巴雙
河邊橋頭右邊開張以便告臨 諸君選估機器以及修理機器等事 諸君光臨請移玉趾是荷
大英一千八百八十七年十一月九號 活侯亞士堅公司謹啟

西國首飾雜貨出售 ○啟者本雜貨公司原設於麻六甲街第廿七號門牌現遷至土庫花園邊四十三號門牌與大藥房為隣專辦
歐洲各上等首飾雜貨交功發售所有戒指相金銀扣鈕等項甚多所有貴重合用之物無不齊備不能備錄以此各貨均屬寶貴之品計值
約五萬元并有金銀及銀鍍金時表各式共約一千多個無不應時報刻果素無差各物皆由歐洲名工所製美善異常現新到叻中存於本店
倘諸君有託歐洲代辦物件亦無不可且價甚相宜貨能速到沿途照料亦甚于細可無破損之虞現在此貨不過略錄些小以 其款俾
諸君觀之可以指名代辦非但藉此營生以圖厚利己也 諸君有欲購者請即 玉臨選閱是荷
大英一千八百八十七年十一月八號 瑞鄰謹啟

RIGAND'S KANAGA WATER.

列願干那芽花露水 ○此水係以干那芽花
所製其花出自日本國中香冠凡卉乃列願君
在日本探得此花回法京製成此水以故其香甚
清而其用亦甚善如皮膚有皺裂等病抹此香
水固能愈痊尤可解蚊口之毒若以此香水和
水盥洗固能令人肌膚嫩滑顏色光潤且香郁
不生本藥房製成此花露水銷流已久遐邇
傳揚不料近有德商仿照本藥房所造此水以
圖射利其實氣味遠遜過隔霄壤 諸尊有購
買此水者請看以下所列第一款之西字標頭
本藥房所用製載此水之樽係有浮凸字樣如
下所列第二款之西字註明列願公司字
樣如標各均有親書號據始為真貨否則係為
混冒向祈慎購至於各式人等有假冒本藥房
花露水或由外處運來或在本坡發售一經本
藥房查出定必嚴行控究至本藥房之花露水
係託新嘉坡藥房麥加君代售並未開枝別處
併此聲明此佈

"KANAGA DEPOSE"

4430.

MORRHUOL.

模好呂解毒藥丸 ○此丸端治虛損吐
血花柳傳毒咳嗽哮喘
目痛重舌等症其效如
神且不惟解毒並能
調和營衛葆養精神現
在法英美等國醫士所
用花柳敗毒之藥均用
此丸無不藥到病除立
見春回若服此丸須俟
照服魚肝油之法要緩
緩吞下必於用飯時吞
服一二粒切勿誤為急
吞以背服法此丸係以
樽裝載每樽計一百粒
現託新嘉坡藥房麥加
君處代售此佈
大英十一月八號

SANTAL MIDY.

DR. MIDY'S SANDAL OIL CAPSULES.

檀香油藥粒 ○此藥
係製成油質以薄皮一
重裹作粒形以便易吞
而其藥力能治花柳
淫毒白濁白帶諸症一
切等症如症雖甚痛服
之立止而服藥後約歷
二三日即見功效但所
患過重者須每日吞服
六次每次吞服二粒至
痊愈後宜再服十日
庶得清源後患永絕根
株俾服此藥時宜戒色
慾忌食辛辣等物等事
幸勿自誤誤藥力之
不神也現此藥託新嘉
坡藥房麥加君處代
售此佈

FRUIT JULIEN.

浮律如里馬藥糖 ○此
藥糖係採鮮果之汁加以
藥料和製成塊略如糖粒
氣味甚佳而其功效較於
藥油為甚無論男女老幼
均能服食且其味有如糖
菓最為適口尤為小兒所
愛其藥力均可治腹汁太
多重舌頭痛等症結大便不
通斑疹血熱血毒以及皮
膚發癢等症服之亦可涼
血行滯且能令臟腑潔淨
痼疾立除但服之法宜於
臨睡時吞服一二粒至翌
早飲茶一杯須臾即覺大
便通利身體爽快現此藥
託新嘉坡大藥房麥加
君處寄售此佈

怨耦乖分 ○同教之語有所說朝西天者蓋往麥加地方謁其教祖之墓謁墓歸後則人皆視為有道之士必恭必敬若族中之紳耆等有毛燕人名亞兒那者亦為同教中人娶妻某氏琴瑟頗敦現已有女二人而那平日亦拘謹自守人皆目為良民去歲因結香伴同往西天追同叻中因加以亞兒二字冠其名是為彼族中之美號也詎那自西天歸後其志漸驕且無所不為妻恒苦勸之弗聽由是交謫之至不絕昨復以事相反其怨極時適手執小刀削物因擲之遂傷妻面妻乃哭泣出門訴諸其父父乃糾眾至將那毆有重傷那因覓其原媒乞與斷休此事媒乃集兩家處斷因令其夫妻離異所生二女各分其一云

自投羅網 ○某甲吉寧人向在小坡吉寧戲園傍開設藥店為生家有一妻寓居店內而甲則頗饒所蓄故其妻之趾環鼻飾所值亦頗不貲有伴某乙亦吉寧人在甲處傭工窺見主人擁有多資遂起盜心欲圖竊取由是私與其同籍友人某丙相商欲盜之而遁詎丙乃甲之好友性端直而有心計忽聞乙語不禁駭然即欲怒責之既而又恐彼慫而退轉商他人於甲更多不便因伴許諾乙曰然則待有機可乘當以告吾子也丙唯唯乙遂去迨至月之初四夜甲夫婦為人招飲乙以有機可乘私竊丙於夜間在門前以俟丙之至夜甲夫婦果大醉而歸將其衣飾卸下即酣然安臥乙至是以為此物穩為已有即潛開門內引甲之臥房匪丙固非盜者既入甲店即將店門閉乃呼甲起甲夫婦從夢中驚覺呼問何為丙乃具告某乙串謀情形甲聞語忿極時乙已無從遁匿遂為甲獲登即交差解案刻猶未悉作何審訊也

竊酒監禁 ○初三日本坡酒公司飭伴帶同巡丁等至丹戎牛某船中起取五加皮酒若干包爰藏於三板中至小坡鐵巴虱前登岸詎有粵人二名竊取其酒五樽為巡丁所覺因執之交差送案覓日府尊提訊判各監禁兩月并充苦工

津門雜紀 ○北洋水師統領丁禹廷門軍因病請假所遺差缺業已委員署理月初威遠定遠揚威超勇四兵輪由該順駛往大連灣迎接統領回津約重陽前後抵津○鎮遠濟遠兩兵輪於月初至津停泊大沽界外兩船管駕官同到大沽炮臺試驗火藥○鎮海兵輪由旅順送劉觀察於月初到津該兵輪於初六日開行統帥護軍正副兩營張備三都戎即附輪仍回旅順防次○署湖南提督駐紮小站總統盛字馬步全軍周海軍門於前三年丁職時海防孔亟傅相奏請選經從戎軍門移孝仲忠整頓操防不遺餘力現經嚴滿稟明傅相奏請起服於初三夜接奉電 諭補授湖南提督軍門當設香案望 闕謝 恩應下弁兵同深歡拆○署理安撫縣補天津縣知縣孫筱坪大令於前月杪到津月初稟辭回任一俟接到部覆即當交卸安撫署篆擇吉履新○胡三太爺者塗山氏之苗裔也向居節後樓樊道之亂三太爺禦患捍災封通年真人於署後園增外建廟三座塑像供奉津人祀之惟離香火鼎盛廟祝因以獲利河東大佛寺某僧工心計有口才曉言夢中見三太爺曾欲遷居該寺附會其說遂應會首人等塑像於初五日香花鼓吹恭迎入寺該寺本香火吃客自有三太爺一時焚香而禱拜者遂紛然如蟻而院署後之三太爺香火為之頓衰廟祝知被某僧所賺因為出爾反爾之計宣言謂於三太爺蒙允按月輪流駐紮兩廟還復而始由是愚夫愚婦信之不疑兩處香火更番迭盛而自有識者聞之則不值一哂焉

減收捐稅 ○洋藥捐稅改歸各洋關帶徵後道憲稟請就舊口關前添設錢私局以查偷漏又念奉屬所產土藥較洋藥更多而報捐者寥寥無幾因札委海防廳章幼樵司馬海關委員 邱芝齋太守會同設法以廣招徠二公屢次熟商似非減輕捐數不可乃稟准道憲在洋藥捐局舊基開闢土藥捐局刻已出示嗣後土藥減收六成捐稅云

東瀛覆轍 ○日本東京日日新聞云從一位勳一等公爵島津久光老病危篤乞假歸田十月十四日日皇准其所請電諭島津氏同坐沈車赴橫濱附船歸鹿兒島按久光君生於文化十四年今已七十七歲云○郵便報言中國朝鮮及俄之海參崴附近均與日本對面我國九港口早已建造炮臺今海軍省謂此幾處海防尤為吃緊除炮臺外尚需水雷船二艘水雷雷雪及應舍尤須建築全備定需費一十二萬計水雷船水雷各器五萬餘舍八萬合前建造費二十五萬統共支出五十萬云○前年海軍省所延請英人起也他馬蘇忽喜侯侯欲為目道宗徒訓練之餘時時潛心梵策本月十二號詣池上本門寺納金一十元為佛前供奉并閱與住持日薩上人稽首叙談良久以外國人而信佛教斯已奇矣不謂天下事無獨有偶又有一英國貴婦人來遊日本見佛教而慕之寓居有寺凡六閱月無奈言語不通無從研精宗旨會僧將布教於馬島崎玉地方同時向隔二月彼時或稱通言語當以衣鉢相傳且許以本山管長知英語情其翻譯經文為西字則更易於受教矣乃約後會珍重而別○日本人喜食牛肉處處設有屠肆獨長崎縣屬島原地方示禁屠殺官長察得民間購買牛肉大半以之飼犬一日有屠夫牽牛過島司分署報之不肯向前轉奔署中跪堂上作乞憐狀淚下如雨司官聞而傷之遂令禁止云○駐紮橫濱之英領事夫起羅他近以日本商情報知外務大臣謂日本向來所產各物限於區域終極輸出甚微刻下日人於商務非常講究據各港領事見聞所及參之日人所售成調不惜資本購造外國機器仿製各物貿易因此獲利人民專心製器而之取費外國者今悉出自本國觀東京上野公園地內開設之工業博覽會其陳列物品何等精巧皆模造外國形色而其價遠遜於外國此商業擴充之明證也○西十月十六十七二日福門乘馬會社舉行賽馬之戲勝者得毛布時辰表銀盃等物○意大利國朝廷見日本食米甚佳備下駐日本欽差選擇新米中極上之品購取若干運回本國

京報選錄

○江蘇巡撫奴才蘇聯跪奏

為孝女劉曾慶妻劉德

旌表恭摺仰祈

聖鑒事竊據翰林院檢討陸繼宗等呈稱同里

孝女蔡德輝係常熟縣光祿寺正卿蔡鍾章之長女許字同邑文生徐世勳為妻尚未過門女幼知孝行能博觀先因母周氏病危女割臂和藥母疾頓痊星夜乘舟光緒十三年正月歸寧居母喪哀毀致疾日就危殆安待奉湯藥焚香籲天願以身代復瀉瀉膏肉和藥以進因創亦病痊鍾章病勢已深於四月十一日身故太強起視殯殮泣絕粒至是月二十一日亦即身故時年二十二歲當其割股療母病立起已屬至誠感格孝行可嘉迨父病而復殯殮感傷未克挽救致因創亦殯殮為國中奇孝職等與同鄉里見聞莫不感其至性遂具事實呈請呈送縣學加結詳咨外公呈懇請 旌表等情前來奴才伏查定例割股傷生不准 旌表如有奏請交部議者其入嗣繼婦之處請 旨遵行等語近年以來具奏成案均蒙 恩旨予旌茲該孝女蔡德輝生有至性克孝於親親其兩夫割臂之心惟知所生為重其誠本乎天秉純孝洵屬可風合無仰懇 天恩俯准 旌表以彰孝行而維風化除俟常熟縣冊結送到另行咨部查核外謹會同兩江總督臣曾國荃江蘇學政臣王先謙恭摺具陳伏乞 皇太后 皇上聖鑒訓示謹 奏奉 硃批著照所請禮部知道欽此○奴才杜鵬南車林多爾濟詳請 奏為據案查閱提卡軍台以免冤死恭摺具奏仰祈 聖鑒事竊為里雅蘇台所屬津吉里克等處沿途各卡及西北兩路軍台例應三年將軍親往查閱一次應需駁馬為拉駁運送卡軍台 數供應即由經過各部落現既災荒時轉雨水調和所有沿途各卡差使又令杜爾伯特等族接當西北兩路軍台歷任將軍等據情 奏明選展限期在案維思各部落現既災荒時轉雨水調和所有沿途各卡差使又令杜爾伯特等族接當西北兩路軍台行走難率皆疲弱舊制而軍台供應要差亦應隨時約束若不及時親往查閱恐日久怠玩滋成車馬奴才既任邊疆為政務應安速貽誤遇事是以時與奴才車林多爾濟奴才詳請公同熟商惟有仰懇 天恩俯准才杜鵬南請帶 欽差關防照案隨帶員弁親詣查閱其定邊左副將軍印務仍移交滿洲參贊大臣詳請暫行護理奴才擬使奉到 硃批時即當移交印務請帶關防率領員弁起程前往查閱各處卡台逐一查閱整飭以固疆圉而免延宕所有查閱提卡軍台由理合恭摺具奏 伏乞 皇太后 皇上聖鑒訓示謹 奏奉 硃批著照所請該衙門知道欽此○李鴻章片 再前准部咨京城需用制錢商令直隸代為鑄造官經籌議於天津造幣十萬中省城造解五萬津都市面現銀短絀收買不易復向上海一帶設法採辦今始免力濟齊五萬事委員分批解京按照時價運盤核算每制錢一千五百十二文合庫平銀一兩共合庫平銀三萬三千六百八兩七錢八分三釐四毫運京之費在外等情前來除咨長蘆道司即照部議在鹽課項下如數撥給抵解本年京餉外理合附片具陳伏乞 聖鑒訓示謹 奏奉 硃批戶部知道欽此○劉秉璋片 再查吏部奏定章程道府丞倅州縣等官無論何項勞績保請候補人員以到省之日起予限一年詳加察看出具考語奏明分別補用等因茲查有候補班補用知縣高世坦到省一年期滿例應甄別由藩臬兩司出考會詳請奏前來臣覆查該員高世坦年富力強足膺煩劇應以本班照例補用除册送部外謹附片具陳伏乞 聖鑒訓示 奏奉 硃批吏部知道欽此○張之洞片 再新授潮州總兵鄭安邦調署廣東碭石鎮總兵瓊州鎮總兵賴遠均即飭赴本任以專責成賴遠所遺碭石鎮總兵務查有新授閩粵南澳鎮總兵劉承福調署廣東碭石鎮總兵賴遠均陳明伏乞 聖鑒訓示 奏奉 硃批兵部知道欽此○譚鍾麟片 再豐寧縣知縣陳功亮蒙 允准改為教職遺缺有漢平縣知縣袁履謙年壯才明堪以調署所遺漢平縣一缺查有據發知縣何希運安詳謹應以委署據熱河道德克精額具詳前來除分別飭遵外理合附片陳明伏乞 聖鑒訓示 奏奉 硃批吏部知道欽此

洋燈出投

○啟者茲定於西本月廿九號即華本月十五日禮拜二下午二點鐘在本館內拍賣各款洋燈甚夥內有玻璃罩磁器牌桌燈該燈或一燈雙火或一燈三火其燈枝或有漆紅色座燈並有鑲上活燈俱用西國機器裝成以上各燈甚為新潔若燃燈火光亮異常諸君合意請移 玉至本館看閱以便拍買此佈 大英一千八百八十七年十一月二十一號 吉靈館主謹啟

新定輪船行期

○啟者茲本公司之火船名鴨六甲擬於此月初七即拜一日為始專行助甲吉龍三處收拘客及攬貨載每次三日便可往回所以利便客商且辦貨可以便捷而助甲往回之期均是朝發夕至吉龍往回甲助亦多於日開駛行誠足藉舒眼界以豁胸懷斯誠歷來未有之創舉想 諸君必樂以附焉爰將此輪逐次行期列奉覽

每逢拜一早拜四早七點鐘由助往甲 拜一拜四下午五點鐘至甲 拜一晚拜四晚八點鐘由甲往吉龍 拜二早拜五早至吉龍 拜二拜五下午由吉龍回甲 拜三拜六早至甲 拜三早拜六早七點鐘由甲回助 拜三拜六下午至助 客稅價數列左 由助往甲一號每名六元 又二號每名三元 又笨面每名一元 由甲往吉龍一號每名四元 又二號每名二元 又笨面每名一元 由助往甲一號每名十元 又二號每名五元 又笨面每名二元 由吉龍回甲一號每名五元 二號每名二元半 又笨面每名一元 由甲回助與助往甲同價 吉龍回助與助往吉龍同價其中所有增加稅價者係因日間往回皆當加辦福食以期津貼非欲故增其價耳並申 大清光緒十三年丁亥十月初四日 實德力火船公司即豐興火船謹啟

洋燈出投 ○啟者茲定於西本月廿三號即華本月初九日禮拜三上午十一點半鐘在本館內拍賣洋燈共五百三十四枝內有房內手燈二百九十九枝壁燈六十六枝牆上活燈二十二枝桌燈五十六枝吊燈九十一枝以上各燈俱是新式若燭燈火甚為光亮該燈均係一燈雙火各款俱備不能盡錄 諸君合意購置者請如期 玉臨覽閱以便拍買是荷
大英一千八百八十七年十一月十九號
巴越館主謹啟

辭伴聲明 ○啟者本號之夥件陳掌路現以事不合於初一日業經辭出茲特佈告嗣後該件有與諸寶號往來數目等項均為經手是問不干本號之事謹此聲明免滋後論
大清光緒十三年丁亥十月初四日
玻璃後協茂號謹啟

日本新到玩器出售 ○啟者茲有柔蘇君新由日本橫濱帶來貴重玩器甚夥寄在本館代為發售計有 繡花絲女素服 繡女衣裳 繡紗大小披肩 繡手巾 繡襪 繡花床墊 繡桌墊 繡椅墊 繡簾 繡花鑲牙板 各款裝相鏡盒 紙圍屏 各款花瓶 花碗 黃銅色畫金油壺茶壺 銅燭檯 各款木茶盤 銅鑲并架 朱律烟管嘴 花盆 遊架 紙刀 裝雪瓦器 紙扇 燈籠 皮手袋 諸多玩器不能備錄 以上各物出售取價格外從廉 諸君光顧幸祈玉臨此佈
大英十一月十四號 巴越館主謹啟

屋地出售 ○啟者茲有屋地一所坐落小東陵鐵巴虱對面直路之左傍希希路邊大有一希其餘其中建有大洋樓一所一廳九房所有浴房廚房馬廐等一概俱全其餘地栽種菓木甚多最為軒爽用以居住殊屬相宜現稅與人每月租銀四十元倘 諸君有欲購買者請至打汝街第一百號門牌向余詢問或至助報館中詢問均無不可此佈
大英一千八百八十七年十一月十號 英國女士耶蘭啟

敬稅神園 ○敬啟者茲欲稅賃大椰園一區其大須約三百五十希葛左右並須附近海傍方能合式該園無論在新嘉坡及麻六甲等處均合若在本坡更妙 諸君若有此園欲行出租稅者請至本館內相商便妥
大英一千八百八十七年十一月五號

三品酒出售 ○啟者本行督辦歐洲馳名三品洋酒來叻發售其酒係白頭款式發售有年沽飲 諸君莫不稱其香美奈近有無恥之徒假冒本庄三品酒款式以圖魚目混珠情殊可恨嗣後 諸君沽買本行白頭三品酒者請細認本號招牌之內有小紙包頭註華字新嘉坡明嗎也公司者始佳若無此字樣即屬偽冒 諸君細認特此佈 聞
大英一千八百八十五年十月廿九號 明嗎也公司謹啟

實勝越官碼招商 ○敬啟者茲實越官碼全境所投之當碼將次屆期茲欲招商承充接辦官務該碼以三年為期由西一千八百八十八年正月一號起至一千八百九十年十二月三十一號止此三年中所有典當官碼承辦人專辦倘 諸紳商等有欲承充此碼者可於西本年十二月一號即華十月十七日以前將投票寄至實勝越禮時珍署內或本代理人處接收代寄以憑棄取幸其踴躍特此預聞
大英一千八百八十七年十月十二號 代理實勝越國家事務人然申洋行謹啟

三寶壟洋面火燭保險公司告白 ○保險公司之設愈多競爭長均無不謂己之公司為盡善盡美總之各有長處惟其險之原者始為有益投保諸人茲本行已承三寶壟洋面火燭保險公司之命為駐叻代理人以代保一切洋面以及火燭平安保險所有保無不格外從廉為自來所未有其二號保險係由叻寄貨往港者照平常保費更現扣廿八仙外并增扣廿八仙然則其價之廉較諸別家勝之甚遠倘 諸君有惠顧者請親 玉至本行面議而本行寫字樓係在登那路頭南生及豐興兩店之中茲並錄明此佈
大英一千八百八十七年八月十六號 代理人福蘭洋行謹啟

印度大藥房告白 ○啟者本藥房自去平開張以來多蒙坡中諸君囑顧故現往親自向歐洲督辦頂上真料各種藥材不時預備甚相宜無論男女老幼病症輕重如要治請到館指示知便即登門看症分劑發藥手到回春每日開門自晨早七點鐘至晚十點鐘為限 諸君有就教者請 移玉至小坡大馬路實得力馬房對面第七十五號門牌詢問便得併此佈 聞
大英一千八百八十七年八月十八號 西醫德實萬謹啟

英國新出頂上花露水出售 ○啟者本公司所製之花露水及高浪水最為佳製其香之清而且久非尋常可比素已馳譽歐洲用此水者莫不噴噴稱爲妙品歷經荷蘭寶星七次以獎其佳然則其妙處可知茲特佈告 諸君有欲採辦者祈請函致本公司取討價單便知一切特此佈 聞
大英一千八百八十七年四月二十五號 加刺安巴馬屋公司謹啟



大英一千八百八十七年八月十八號

Printed by JASSAN, and Published by SENG EWE LAY, at the "LAT PAU PRESS" No. 26, Teluk Ayer Street, Singapore.